



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici**

**Leoni, Giovanni Francesco**

**Coloniae Agrippinae, 1682**

45 Excommunicatio levibus causis non est incutienda.

**urn:nbn:de:hbz:466:1-10316**

tribuas, vinearum quoque & arborum sætus, proventusque omnium rerum, atque ab ipsis omnibus pestiferum fidus, tempestatis procellam, & grandinis fragorem, & universa mala amovere digneris, Per Christum, &c.

Oremus.

**O**mnipotens sempiternæ Deus, multiplica super nos misericordiam tuam, & preces nostras benignus exaudi, ut in fruges omnes præsentis, & futuræ sæculorum tuorum veniat sperata bene & dictionis ubertas, ut repleti de frugibus tuis in tuo nomine, de tua gratia semper exultent. per Dominum, &c.

Oremus.

**O**mnipotens æternæ Deus, Majestatem tuam supplices exoramus, ut omni tempore hujus Terræ segetes ad maturitatem fertilitatis perducere digneris, ut esurientium animæ bonis affluentibus replearis, & egeni, pauperesque laudent nomen tuum. Per Christum Dominum nostrum Amen.

Oremus.

**M**isericordiam tuam Domine supplices exoramus, ut animalia sæculorum tuorum, sive quæ infirmitate, aut morbo vexantur, sive quibus infirmitates, ac morbi imminet, in nomine tuo, atque tuæ bene & dictionis virtute sanentur, infirmitatesque omnes arceantur, extinguaturque in eis omnis diabolica potestas, & ne ulterius agrotent, tu eis Domine sis defensor, ac remedium sanitatis. Per Dominum nostrum Iesum Christum Filium tuum, Qui tecum vivis, & regnat in unitate Spiritus sancti Deus &c.

Aspergatur aqua Benedicta.

**A**uctoritate etiam ordinaria poterunt locustæ, bruchus, & hæc similia animalia modo præmissa, incipiendo, ut supra, adjutorium nostrum: Te, Domine petimus, &c. Et proseguendo usque in finem exorcizari segetes, fructus, & agri benedici, quod si firma fide hoc fiat, Dominus petita concedet, juxta illud: quicquid orantes petitis, credite, quia accipietis, & evanget vobis, Marc. cap. 11.

44 **Q**uamobrem, cum ad hujusmodi expellenda benedictionibus, orationibus, & signo crucis remedia haberi possint, cur ad excommunicationes, & maledictiones confugiendum? Præterea, cum excommunicatione nulla major pœna in Dei Ecclesia reperitur, ideo sobrie, & magna circumspeditione ea est adhibenda, & nonnunquam feriri in subsidium, cum verò alia remedia non suffragantur, ad excommunicationis remedium recurri potest, concil. Trident. in c. 3. & quod si executio, de reformat. sess. 25. & contra homines

baptizatos tantum, cap. omnis Christianus, n. quest. 3.

45 Tum & si contra locustas, bruchos, mures, erucas, & similia, quæ super terram videntur excommunicationis sententiam ferre liceret, eadem ratione contra mures, & vermes, qui pluries autumnali præsertim tempore, pluribus in regionibus demoliantur, satæque vastant universa, & contra quadrupedes, scilicet vulpes, & alia id genus animalia hominibus, & animalibus domesticis inimica, & noxia, idem remedium posset adhiberi, unde sequeretur, quod



quod excommunicationis gladius, qui tam sobriè, & tam cautè est exercendus temere, & levibus de causis incuteretur, ex quo magis contemni posset, quàm formidari, & perniciem potiùs pareret, quàm salutem, contra ejusdem sacri concilij Tridentin. dispositionem, *dict. capit. 3. in princ. de reform. sess. 25. cap. multi, vers. auferre malum, 2. quest. 1.* Pluribus etiam ac solidis fundamentis Doctorum animalia excommunicari, & anathematizari non posse, probat idem Cassan. *dict. conf. 1. par. 5. à princ. usque ad numer. 150.* licet postea contrariam partem amplectatur, quam tamen non probat, ut cuicumque illud legenti patet ad sensum.

46 Theologi autem ꝑ tenentes, quod animalibus irrationalibus maledicere liceat, loquuntur in terminis peccati, an, scilicet, illis maledicere sit peccatum, & in his terminis post Cajet. loquitur Cardin. Tolet. ubi inquit, quod ratione mali ab ipsis illati possunt maledici. Quia non est, tam maledicere creaturæ, quam malo, *ut in instruct. sacer. lib. 4. capit. 13. numer. 7.* & propterea non est peccatum, illi extrajudicialiter maledicere; sed judicialiter excommunicari, aut maledici non possunt, idque credere, vel excommunicare superstitionis esse, tenet Navar. *in conf. 5. alias 57. num. 8. & 12. de sent. excom. lib. 5. par. 2.* Qui in terminis contra conf. Cassan. scripsit, & Grass. *decis. aur. cap. 7. numer. 15* in quos postea supra à me in rem hanc congesta forte incidi, necum ob id, quod idem cum illis senserim, gratulatus, arg. *Idem in cap. Valentinianus, §. cum autem 63. distin. excommunicari, aut anathematizari non potest, nisi homo baptizatus ex supra allegat. quibus modo addo Navar. eodem*

*conf. 5. numer. 6. & Grass. eodem cap. 6. numer. 15.*

47 Ea est enim dæmonis caliditas, ꝑ ut, cum manifestis, & apertis ictibus animas petere vereatur, occultis technis, falsisque nominibus sub specie boni miseris mortalibus conatur imponere, Hujus ideo astutia sæpe inducuntur homines ad credendum solis excommunicationibus, maledictionibus, & conjurationibus animalia irrationalia ex sententiarum, & maledictionum bonitate, & virtute fugari posse, in quibus tamen actionibus, quandoque dæmonis potestas operatur, qui è terris dicta animalia abstulit, & plerumque occidit, ut ita deceptos falsa credulitate detineat, eoque non principaliter in Deo, sed potius in eisdem operationibus confidentes, sibi manuteneat. Unde, cum hujusmodi manifestam superstitionem sapiant, non est illis in hærendum, Navar. *dict. num. 12. & Grass. dict. cap. 6. numer. 22. & 13.*

48 Eiusdem ferè generis est ꝑ quod dæmones solent cum viros, & mulieres seducunt, ut veneficijs veneficia curent applicanda. Habet enim astutus ille hostis delectum veneficarum gregem, quæ illius opera, & consilio pueros fascinant, infantes plerumque cum matribus, ac nutricibus venenis inficiunt, domestica animalia in ipsis ædibus ad extremam maciem, & ad necem malefico tactu perducunt, nihilque sceleris est, quod non intentent, sub tam scelestissimo ducè, nec tunc in loco, ubi talia monstra degunt, tam immania admittunt, sed per alias urbes, & vicina oppida circumvolant sæpe realiter, & corporaliter de loco ad locum dæmonis opera sese transferentes, Sylv. *in ver. hæresis, §. 3. numer. 6. & Mart. del.*

Mmm 3 Rio,